

淨土法門
貫通諸大法義

佛學小叢書

(要彙)

卷十五

上海佛學書局印行

淨土法門貫通諸法大義

黎端甫居士遺稿

夫念佛法門。顯密雙被。彌陀宏願。禪淨互融。自來學教之士。每以念佛工夫爲愚夫愚婦所爲。學禪之人。或鄙觀念門頭爲循名取相之事。是皆未明教意。妄擬佛心而橫起猜疑者也。蓋一切諸法。皆金口所宣。一切功德。皆衆生本具。安可執此謗彼。而是丹非素也乎。

蓋十二部經。方廣爲大乘唯一之部。（此從大智度論瑜伽師地論之說。較大乘阿毗達磨集論所釋爲尤確。）後世分爲華嚴方

等般若法華涅槃五部。其實皆方廣部也。方廣方等般若摩訶衍古者皆通爲一門之號。淨土諸經。今藏或在方等。或在密部。合而言之。則密部之與方等。本同門也。禪宗淨土。雖分二流。本其所由。則皆依一法界心而爲建立。同堂異戶。殊派同源。古來諸祖。自龍樹天親東林天台永明而下。能言之徒踵起。是亦無庸贅爲爭辯者也。

以予觀之。顯密禪淨。雖別多途。理實不外方便平等四字。此方便平等四字。卽大教之要指。諸法之真詮也。故就淨土宗義言之。此宗以念佛貫攝諸度爲致力之方。佛者大覺。覺卽平等。念者觀念。

念卽方便。故念佛工夫。卽是大平等方便工夫也。

復次云平等者。約性而言。則心佛衆生三無差別。佛是過去已成。我是現在將成。衆生是未來。待我助佛度成。其本體實性。卽是平等也。方便者。約用而言。佛依此方便成佛。又施此方便。接引我及衆生。我乘此方便得度。成佛道。利衆生。衆生亦依此方便。有出離苦海之望。此卽是方便也。

又平等者。諸佛平等。諸土平等。釋迦於諸佛諸土中。多導揚阿彌陀佛極樂國土者。隨此方機。故非取一廢餘。故學人若悟佛土平等法。隨機立。卽知一句彌陀。一方佛土。於中具有無量無數恆河

沙阿僧祇那由他國土諸佛菩薩位位圓通。土土莊嚴。無有勝劣。勝劣之迹。乃根衆生心想業感而然。故彌陀一極樂而有九品及邊地之分。非四十八願本所致也。而亦無礙並顯於四十八願國土之中。何則。感殊其因。則應殊其果也。又大智度論稱華積世界勝于阿彌陀佛世界。此亦非謂阿彌陀不能造華積世界。以諸應度者爲極樂世界機。卽隨阿彌陀佛勝願而生極樂世界也。果有華積世界機。亦何竟不得生華積世界。然此土求生衆生。畢竟以極樂爲同歸之地者。仍以機之所契者有如此也。衆生因此機。契此法。諸佛應此機。顯此迹。故曰佛土平等也。

方便者。諸念方便。諸觀方便。釋迦隨此方機。于諸念諸觀中。極力讚勸念西方阿彌陀。觀依正莊嚴。若悟念念方便。觀觀方便。卽知于一西方阿彌陀。於種種念法中。隨作何念。於種種觀法中。隨修何觀。皆具攝一切方便念。一切方便觀。稱一佛名。佛佛具足。觀一佛土。土土森羅。互彰互攝。無遺無欠。故寶王論名此爲一相念佛。三昧。大般若經名此爲一相莊嚴三昧。蓋末世衆生。慧淺障深。非中上根器。斷難博習。稍不審慎。卽易涉淆訛。一入疑迷。非歧卽退。故如來開異方便。橫出苦輪。但取專心繫念。於一如來。執持名號。觀想容儀。卽與普觀三世諸佛同一切德。行者果能一心正念。行

住坐臥。觀想不忘。無稍間斷。淨念純熟。聖境現前。見佛聞法。回向度生。成功迅速。非餘行所可及也。故念佛一門。實方便中之方便。是故名爲觀念方便。亦名爲異方便。名爲善巧方便也。

云何單拈方便平等釋念佛耶。念佛法門。本方等教故。念佛法門。以一方便故。念佛法門。不撥念餘佛故。念佛法門。雖不撥棄餘佛。而一佛融攝多佛。用功不雜故。念佛法門。不撥讀誦大乘方等故。念佛法門。不廢餘功德行故。念佛法門。爲重重無盡重重相攝之華藏莊嚴世界海衆佛菩薩所讚嘆故。念佛法門。爲會通諸乘融歸一乘之法華會上諸佛菩薩所稱揚故。念佛法門。空有雙照。心

佛互融。卽摩訶般若波羅蜜經中之深義故。

又回向念佛。卽念佛之檀波羅蜜也。四威儀中常修三福。淨業念佛。卽念佛之尸羅波羅蜜也。隨順世緣。發願念佛。卽念佛之辱提波羅蜜也。禮拜懺悔。勸請隨喜。讚歎念佛。卽念佛之毗梨耶波羅蜜也。趺坐調息。觀心念佛。卽念佛之禪定波羅蜜也。三諦三觀。念佛。卽念佛之般若波羅蜜也。然則念佛一門。諸法具舉。六度齊收。矣。推而行之。豈不萬行具備也乎。

又以此念佛。普攝多機。接引凡夫。闡提人。顯下下品。凡聖同居土。接引二乘人。顯中下品。方便勝居士。接引大乘人。顯上品。實報並

嚴土。接引具果人。顯上上品常寂光土。是則無機不攝。有願皆生。唯證了知。難可臆測。懿乎如來立教。法界平等。方便多門也。

或曰。昔棗柏長者叙論華嚴。特列十種淨土。品評教相。以示熏修。於中議論禪淨。似有出入。所列十種淨土。如第一以阿彌陀佛淨土爲取相。凡夫而說。是權非實。第二以無量壽觀經淨土爲樂妙色相。衆生而說。是權非實。第三以維摩經佛以足指按地所現淨土。是實。而未廣現。第四梵網經淨土。千華千葉。一一葉上有百億化佛。教化百億四天下衆生。此爲三乘見未廣者所現。是權非實。第五摩醯首羅天淨土。佛於彼坐蓮花成道。以爲實報。此閻浮提

摩竭提國菩提場成道。以爲應化。以闍浮提爲有漏土。以摩醯首
羅天爲無漏土。此爲三乘權教染淨未亡者而說。是權非實。第六
涅槃經。如來有實報土在西方。過二十二恆河沙佛土。彼爲實報。
此爲三乘權教一分染淨未亡者而說。是權非實。第七法華經三
變淨土。言移諸天人置于他土。此亦爲三乘權教菩薩說。是權非
實。第八靈山會所指淨土。此引三乘權教菩薩染淨未亡者令知
此土卽穢卽淨。諸衆信可。未能自見。是實非權。第九唯心淨土。卽
維摩經云。隨其心淨。卽佛土淨。欲得淨土。當淨其心。此爲自證自
心。當體無心。性惟眞智。不念淨穢。稱眞任性。心無罣礙。無貪無癡。

任大悲智。安樂衆生。是實淨土。以自淨故。令他亦淨。此實非權。第十毗盧遮那所居淨土。卽居十佛刹蓮花佛國土。淨穢總含。無穢無淨。無有高下彼此自他之相。一一佛土皆充法界。無相障隔。言十佛塵刹國土。爲知無盡佛國。不出一塵。爲無大小故。不立限量。故以法爲界。不限過際。相誨純雜。色相重重。此實淨土。非是權收。此棗柏判列十種淨土。六權四實。以彌陀淨土。悉是權門。然則諸大乘讚揚淨土等經。及古來往生載在傳記千餘人之行蹟。其皆可謂之權現乎。在棗柏之爲是言。固將矯心外求佛之失。是其言固非無見。第恐冥心求證師心自用之徒。或將推戴此說。誤謂我

卽是佛。反鄙夷淨土爲不足道。不然。則一以爲滯有。一以爲墮空。而禪淨兩門。不能並彰。反以雙破也。是此中之原理。爲權爲實。孰可孰否。固不可不一決定之。以開羣有之疑雲也。

今試原之。彼棗柏以彌陀淨土爲權。此言誠非無物。然不善會其意。反因以動搖念佛人之金剛心矣。故鄭通判疑往生淨土爲對鈍根方便之權說。孫莘老亦疑念佛求生爲非實教。然天台思梵大師亦嘗引文殊普賢馬鳴龍樹智者永明諸祖師讚行以明念佛往生非鈍根權乘之事。及楊次公王敏中諸大德皆有論辨。味其言。皆可謂篤於信道。然畢竟權實二法。何去何從。吾尤欲起古

之人而一親質之也。

昔慧覺玉禪師時。有人謂淨土乃聖人之權方。所以接鈍根化凡器也。苟能一超直入。登如來地。何藉於他力乎。答曰。佛世文殊普賢。滅後馬鳴龍樹。此土智者智覺。皆發願往生。應盡是鈍根乎。釋迦於大寶積經。勸父王并六萬釋種皆生淨土。應並是凡器乎。此等聖賢。應皆不逮今之利根勝器乎。况若以此爲權。將何爲實。權實之判。非止一途。自非教眼瞭焉。何以甄別。今詳此語。辨明念佛非第鈍根所爲。理甚明曉。至於辨權實之分。謂若以此爲權。將何爲實。此二句。不過謂不應以淨土爲權耳。若問將何爲實。倘或仍

舉棗柏所言以爲酬對。則是權實之際。終莫得而明也。

雖然。權實之辨。楊次公雖未明定其所以。而吾於其所舉水月之喻。固有以見其權實分明之意矣。次公。固禪淨雙修者也。其序王敏仲直指決疑云。阿彌陀佛光明如大圓月。徧照十方。水清而靜。則月現全體。月非趨水而遽來。水濁而動。則月無定光。月非捨水而遽去。在水則有清濁動靜。在月則無取舍去來。今按次公所云。彌陀光明如大圓月者。非實法之謂乎。所云水清而靜。則月現全體。濁而動。則月無定光。非棗柏之所謂權法乎。夫月之現也。非趨水而遽來。月之隱也。非捨水而遽去。是知權本無法。依實而呈。實

者權之實也。權者亦實之權也。權實二名。一而二。二而一。互相形顯。不可執一執異以求之也。

復次。權之爲言。對實而立。權之爲法。依實而起。因乎一實。乃有衆權。爲實教不能驟領。乃別示之以權。故權者。實之華鬢也。譬之俗情。孩提之童。病不受藥。爲父母者。則甘餌以攝之。服藥者實。而甘餌者權。不得謂甘餌不可服也。特以甘餌與藥物校。則藥物實焉耳。豈待因藥物之實。遂簡棄甘餌之權乎。且簡棄甘餌之權。而併藥物之實。而廢棄之乎。何謂簡棄甘餌之權。併廢棄藥物之實。蓋甘餌藥物相連而施。故廢甘餌之權。卽必併藥物之實而廢棄之。

也。

夫念佛亦猶是也。無上導師。誠知娑婆業海。衆生之累重惑深。而不欲出罪捨苦也。故憑大智願力。建立極樂莊嚴國土。誘掖羣品。淨業往生。此誠大慈父母。以甘餌攝其愚子之大用矣。其勸修三福。專心淨業。趣入是心作佛。是心是佛。二語實也。其水鳥樹池。華臺樓閣。種種寶相。六事莊嚴。權也。然權之與實。又不可析而離也。權者實之異名。固非有二物也。權者所謂善巧方便。阿彌陀如來所不容已之施設也。釋迦如來所不容已之開演也。衆生有願往之機。如來有須摩之應。因果之理。本然如是。阿彌陀雖欲無淨土。

不可得也。釋迦牟尼雖欲不說淨土。不可得也。何也。本來法界有如此也。阿彌陀佛釋迦如來。烏能容心於其間乎。

是故淨土法門者。於不可得中。只麼得之法門也。不可得中。只麼得。是故名爲善。是故名爲巧。是故名爲異。方便極而論之。本地家當。原來如此。果以何爲善。以何爲巧。以何爲異。方便。吾烏知實之。果現爲權乎。吾烏知權之。卽名爲實乎。夫阿彌陀經之淨土。觀經之淨土。與天摩醯首羅天之淨土。千華臺之淨土。法華三變之淨土。涅槃西方之淨土。較諸維摩詰淨心中之淨土。及世尊足下所顯之淨土。靈山會所指之淨土。毗盧遮那所居十佛刹之淨土。據

事而言。雖有偏圓廣狹之不同。契理而觀。都無真假勝劣之判。固不得以彌陀觀經之淨土爲寓言。惟毗盧淨名之淨土爲實報也。豈可謂權定是權。而實但是實也乎。

般若之言曰。有實慧。有方便慧。此淨土善巧方便者。卽諸佛大方便慧之所成也。云何大方便慧。謂諸佛菩薩救度衆生。有如是多門。如衆生機。曲垂接引。種種智巧。隨方利導。是故名爲方便慧。以此方便慧宏通廣大。無所不攝。是故名爲大方便慧也。而此大方便慧者。卽是實慧之方便慧。非離於實慧而別有大方便慧。能知此大方便慧爲實慧之大方便慧。則雖謂此宗種種莊嚴爲假。

立門頭別開生面可也。蓋實慧也者。性德中之圓滿正智也。亦名爲卽事之理。而方便慧者。則是卽理起事者也。故其法謂之方便法。是謂卽真實法之方便法。安得謂心無淨土淨土非心乎。

故或有執淨土非實者。亦有執淨土實無者。夫執淨土非實。此不過謂淨土權現。猶未嘗以淨土爲非也。若以權實不二之理語之。使知淨土權實互融。則其惑自破。如執淨土實無。則且顯破淨土法門矣。夫淨土果其實無。則穢土定謂實有。淨土果其非心。則心定爲穢巢。是固烏乎可耶。况淨土書中所紀事實。亦旣彰彰各有明驗。如異香天樂。預知逝期。共見共聞。不一而足。理事同契。其又

奚疑。蓋香卽心地之香。樂卽性天之樂。種種莊嚴。皆性中所自具耳。又佛者覺也。佛覺故爲佛。我覺豈獨不得爲佛乎。故曰心佛衆生。三無差別。旣其無別。則彼佛來迎。並非甚奇可怪之事也。豈謂強立彌陀淨土於我性靈之中乎。旣不強立彌陀淨土於我性靈之中。則亦何能推此彌陀淨土於我性靈之外。經稱城東老母。不願見佛。佛至其前。自障其面。障之不己。強閉雙目。卽於閉目。仍見佛佛徧滿當前。佛言。汝不見我。乃心自有。毋勞瞑拒。斯言可悟矣。故曰。迷則經像。悉是法塵。悟則大地。皆成淨土。亦可迷則對像成魔。悟則隨念是佛。諸修淨土行人。固不可不明是理也。

故不可謂佛定有去來。亦不可謂佛土無有。夫往生之云者。依體而言。卽往是無往。生是無生。約相而淨。雖無往不妨現往。儘無生不妨示生。蓋無往而往。往是真往。無生而生。生乃真生。往是真往。一往永往。生是真生。說生便生。一往永往。往無可往。說生便生。生究無生。往無可往。無往卽往。生究無生。無生是生。由此觀之。諸淨土經論。實未嘗壞大乘不生滅之說也。夫惟無往而往。無生而生。是故無所不能往。無所不可生。古來大乘門中。及淨土乘願再來者。截斷生死流。回向輪迴道。何則。爲度衆生。不昧己性。不妨爾也。果往可無所不往。生許無所不生。則佛性常住。自在不變明矣。固

非曇華。倏現倏無之比也。然第非凡夫之人所可藉口也。夫無所不往之往。無所不生之生。彼其爲盡性而然也。非汗漫之往。非流注之生也。故其生也如寄。其往也如歸。是輪迴也。而非庸愚之輪迴。是生死也。而非蚩氓之生死。是輪迴也。謂之輪迴。而非輪迴。是生死也。謂之生死。而無生死。何則。性不囿於形。理不泥於事也。又斷輪迴之云者。我能截流轉物之謂也。衆生無盡。我願無盡。大菩薩之輪迴斷而不斷也。雖處母胎。說法無間。大菩薩之輪迴不斷而斷也。然則此之輪迴。固非斷非不斷也。惟非不信淨土者所能幾也。大根器人。果能一朝瞥地。豁破無明。任用六根。無非勝妙。塵

塵是佛。法法全真。豈不甚善。雖然。生死跟前。果敵能過否。塵境。昧日。果能照徹否。生死事大。毋爲自欺。苟猶有結習未忘。則何妨念佛熏習。馴至念無念。無念念。求往生。而後證入無往無生歟。吾深願豁達之流速。爲猛省於此也。

復次。修淨土者。當如是知。諸佛法門。不離自性。菩提圓覺。卽是唯心。顯密各宗之所依承。先佛聖賢之所演唱。法法異相。法法同如。取徑雖殊。其揆固不二也。

是故當知。我佛何故有顯密兩教。何以有念佛法門。何以有念方便。觀方便。種種言說句味。當知佛卽是覺。佛性卽是覺性。我及衆

生。因于執有執空種種分別而起。無明無明所依。不離覺性。如來
慈愍顯示淨土。破穢土衆生執著邪見故。說諸觀想。破諸行人分
外馳求故。是故淨土指陳。爲破妄穢。妄穢若盡。眞現淨前。是謂西
方之與唯心同一淨土也。種種觀念。爲破昏散。及與無記。諸惑若
離。勝性呈露。是謂一相觀之與次第觀。同一自性佛也。十六觀經。
開顯種種觀法。洋洋灑灑。其歸宗乃在是心作佛。是心是佛。二語。
與佛說阿彌陀經。一心不亂。同一指趣。卽斯義也。

若以起信論意釋之。則是心作佛。卽是始覺已前位。是心是佛。卽
是本覺位也。又有觀有念。是始覺已前位。無念念。念無念。非觀觀。

觀非觀。此是本覺位也。故蓮師于一心不亂句中。判有事理二種心。事一心。卽心觀念。始覺已前位。理一心。卽無觀念。觀念無觀念。入本覺位境也。又事一心。求往生也。理一心。無求求。求無求。無往往。往無往。無生生。生無生也。但知事一心。不契入理一心者。雖生而其品不甚高。能由事一心。契理一心。證入理事無礙事事無礙一心。則佛性圓明。妙覺湛然。上上品境界也。

故觀經云。諸佛如來是法界身。入一切衆生心想中。是故汝等心想佛時。是心卽是三十二相。八十隨形好。是心作佛。是心是佛。諸佛正徧知海。從心想生。是故應當一心繫念諦觀彼佛多陀阿伽

度阿羅訶三藐三佛陀。乃至觀普賢菩薩行法經。觀虛空藏菩薩經等。各各讚勸勤行觀想見佛見菩薩諸微妙法。誠以阿彌陀佛及諸佛大菩薩正徧知海。皆依一法界心而爲顯現。阿彌陀佛及諸佛大菩薩正徧知海。既皆依一法界心而爲顯現。豈我及衆生與佛同體。各各具足一法心。獨不可依之證見諸佛也乎。

今世之懵於教典者。或妄呵淨土法門爲意識用事矣。彼不知眞妄一源。誤認意識與眞如判然兩體。於顯密各經中詳陳觀行之理。亦未參攷。遂純任一心。撥無他佛。自詡大乘。抑知其顯與大乘相稱。且從不信此一大乘法門。更引起愚迷不信錄一切大乘法

門。是故撥無淨土者。必至撥無大乘。撥無一切諸教。其原皆因誤認眞妄爲二。誤認眞妄爲二。故於眞如與意識無蹊徑可通。故謂妄識不可觀佛。唯眞心乃可觀佛。然則唯佛乃可修道成佛。凡夫卽不可修道成佛乎。若由凡夫可以修道成佛。則由帶妄識位中。可以發心修觀見佛證果也明矣。

以試正告之曰。妄識雖非成佛之因。由妄識位中發心修習。不可謂非成佛之先導。夫凡夫入道。何能頓斷妄識。但能於妄識位中刻苦勤修。則漸漸燦破無明。重重開顯妙光明藏。初依妄識。現假名佛。次妄識漸破。眞如漸露。眞佛妙相。亦由是而漸開矣。觀經所

謂諸佛如來法界身入衆生心想中。卽謂諸佛如來法身常住。衆生心想與之相應。應身則現。然諸佛如來法身。雖歷劫常住。若無衆生心想。亦不能見。如日輪中有火性。非得陽燧引之火不自現。縱令陽燧有勝劣不同。但引火有遲速之殊。終不可謂陽燧無引火之用也。

故華經嚴解脫長者語善財言。善男子。我若欲見安樂世界無量壽佛。隨意卽見。妙樂世界阿閼如來。善住世界師子如來。善現圓滿光明世界月慧如來。寶師子莊嚴世界毗樓遮那如來。如是等一切諸佛。隨意卽見。彼諸如來不來至此。我不往彼。知一切佛無

所從來。我無所至。知一切佛及與我心。皆悉如夢。知一切佛悉如電光。了知己心如水中像。知一切佛皆悉如幻。己心亦爾。知一切佛音聲如響。己心亦爾。如是知。如是解。如是入。華嚴經之言如此。蓋果位菩薩自明己所修證。皆由己心得諸佛法。見無量壽諸佛如來。莫不由心。所以勸衆生由是而修觀行也。又解脫長者所言隨意卽現。其義卽與觀經心想佛時是心卽是三十二相八十隨形好之理同也。

或曰。解脫長者之隨意現相。是固然矣。而究非凡夫所可與等量齊觀者也。今以愚夫愚婦之一念觀佛。卽謂與眞佛無異。則是因

果不分階次淺深。何以別焉。答曰。因果二位。事相雖異。理致無殊。今以因明之法通之。所謂凡夫觀相同真佛者。以凡夫本具真如海故。如一月影映大海水。菩薩水清。凡夫水濁。清則全月畢現。濁則少分光明。多分朦蔽。所現雖異。水月無殊。衆生念佛。心想佛相。亦復如是。今人不勸觀佛念佛。而反呵修淨土人所觀佛相爲虛爲妄。不思諸佛亦是過去凡夫。凡夫卽是未來佛子。但使清淨自持。專心觀念。何衆生之不可往生乎。如必以果地觀佛爲真。凡夫觀佛爲妄。吾將有一反質。冀幸謗淨土者之一悟。所謂果地菩薩當初修因。從何地位而發信心是也。

彼果地菩薩。必非從果位發心來也。彼其發心。必從凡夫因地中來也。既從因地中來。則當初所發之心。必非若果地之明淨。必多有積習隨起。業障蔽障。於本覺位。惟少分相應而已。是與今日現前凡夫之心想。當何幾殊。第昔時之菩薩。固由此修習而漸明漸淨。竟至于得道成佛矣。昔時之菩薩。由此修習而得漸明漸淨。至于得道成佛。豈今時之凡夫。獨不可由此修習而望其漸明漸淨。由是增進。以往生安樂世界乎。嘻。執果迷因。執大蔽小。今之人乎。亦何其昧昧弗之思也。

經不云乎。心如獼猴。捨此攀彼。夫欲變移凡夫之貪恚癡妄。而復

彼妙淨覺明。直捷簡易。無如念佛。使非教之觀相專念。何由調伏其夙嗜。而使之純熟。故與其高談豁達之空。而蕩然無所依持。曷若使之觀相念佛。猶可借事證理。漸漸引入薩婆若海也乎。

是故觀相念佛法門。正所以對治凡夫惛散二病也。觀相也者。定惛之妙門也。念佛也者。擾散之妙門也。凡夫不觀相念佛。朝夕紛紜。十二時中。無非業識奔馳。六根役使。真妄綺織。外靜內躁。縱捨人睡餘。口口談空。而步步著有。不知蹉失。故佛以觀相念佛者。藥之。使知所以自鏡而自悟焉。故曰是心作佛。是心是佛。此何悖於明心見性之旨。而愚者不明教義。執此謗彼。竟欲將觀佛法門率

意抹去。嗚呼。毀謗大乘。壞衆生慧命。曾是不思。而猶自命爲護法乎。

矧教中之教觀佛者。因不止一觀阿彌陀佛而已也。觀虛空藏菩薩。觀普賢菩薩。觀文殊師利菩薩。觀地藏菩薩。觀藥師菩薩。觀釋迦牟尼。及觀大日等十方諸佛如來。觀諸大天神。經典誠文。不一而足。若謂觀阿彌陀佛爲非。則餘諸觀行。又何以明其獨是乎。抑一非則俱非。勢將舉觀想千佛之大教。咸一舉而掃空之矣。其果可乎。又何獨顯教中之觀想阿彌陀佛法門。獨蒙其害而已。卽顯教中之觀不淨觀白骨觀。出入息觀。四大密教中觀心觀字無量。

無數觀門。亦皆將受其影響。嗚呼。是安可不深長思乎。

復次。彼破壞觀相念佛者。又不第破壞觀相念佛而已。且淨土亦執爲無矣。不第此須摩提淨土。彼執爲無。卽華嚴壽命品所稱聖服幢世界。不退轉音聲輪世界。離垢世界。善燈世界。善光明世界。超出世界。莊嚴慧世界。鏡光明世界。乃至勝蓮華世界。此諸世界。以次增勝。前之一劫。爲後之一晝夜。皆勝于安樂世界。若安樂世界有所破壞。則一切無量數阿僧祇世界。皆不成安立。佛典誠文。皆爲虛妄矣。噫。夫以法自任者。如之何弗思乎。

首楞嚴經佛告阿難云。汝今欲令見聞覺知。遠契如來常樂我淨。

應當先擇生死根本。依不生滅圓滿性成。以澁旋其虛妄滅坐。伏還元覺。得元明覺無生滅性。爲因地心。然後圓成果地修證。如澄濁水。貯於靜器。靜深不動。沙土自沈。清水現前。名爲初伏客塵煩惱。去泥純水。名爲永斷根本無明。明相精純。一切變現。不爲煩惱。皆合涅槃清淨妙德。是義可知。凡夫之心。名爲見聞覺知。如來性德。名爲常樂我淨。生死根本。卽迷自性真佛。不知是心是佛。亦迷十方諸佛。不知是心作佛。由是於心佛衆生。三無別中。妄起差別。人我見興。相引相乘。起惑造業。流轉生死。五痛五燒。受苦無量。如是生死。推窮其本。皆由不知是心作佛。是心是佛之理故也。若明

於是心是佛。是心作佛之理。則知此心此佛不二而二。二而不二。本來平等。同一覺性。卽於生滅心中。頓見本來不生滅性。依此發心。漸次修習。卽是淨土法門發心正。因經所謂依不生滅圓湛性。成卽此心也。由是依此心佛圓融。一清淨念中心起佛觀。佛應心現。惟覺清淨光明。佛妙法身。瑩徹心海。漸次進趣。銷除夙習。偷盜殺生。邪淫。妄言。綺語。惡口。兩舌。貪念。瞋恚。癡闇。虛妄。生滅。永不發生。晝夜思惟。無量壽佛。種種功德。稱性莊嚴。心不退轉。所謂以湛旋其虛妄。滅生伏還元覺。得元明覺。無生滅心。爲因地心。然後圓成果地修證。卽斯意也。

夫凡夫因地發心。如重雲蔽空。偶爾開豁。日光微現。其不足與高秋晴空之皎皎日輪明矣。經所謂如澄濁水。貯於靜器。靜深不動。沙土自沈。清水現前。淨土觀門。正用斯意。凡未登地已前。三賢諸凡。皆僅能至伏塵之境。於此而責其無妄。殊太早計。而况又摧彼帶妄顯真之菩提嫩芽。阻闕觀佛之通途。引入識田之陷穽。使彼更無永斷無明之日。則是截斷其常樂我淨之智津。而使倚見聞覺知爲真我。障橫出三界之正路。以黑闇荆棘叢爲其歸墟矣。吁。是不亦可哀乎。

彌勒者。兜率天主也。又爲法相顯理宗之中興祖。佛於靈鷲山無

阿耨壽佛會。猶授記讚勸往生阿彌陀佛刹土。如經佛告彌勒。汝從無數劫來。修菩薩行。欲度諸天人民。以至蜎飛蠕動之類。從汝得道者無央數。至泥洹之道者亦無央數。汝及十方世界諸天帝王人民。若比丘僧。此丘尼。優婆塞。優婆夷等。從無數劫來。流轉五道。憂畏勤苦。不可具言。至于今世。生死不絕。與佛相值。聽受經法。又復得聞阿彌陀佛。快哉甚善。吾助汝喜。汝今可厭生老病死痛苦。惡露不淨。無可樂者。宜自決斷。端身正行。益作諸善。修已潔體。洗除心垢。言行忠信。表裏相應。人能自度。轉相拯濟。精明求願。積累善本。雖一切勤苦。亦須臾之間。後生阿彌陀佛刹。快樂無極。長與

道德合明。永拔生死根本。無復貪恚愚癡苦惱之患。欲壽一劫百劫。千劫萬億劫。無央數劫。不可復計劫。皆隨意所欲。無不得之。欲衣得衣。欲食得食。皆如其意。次於泥洹之道。汝等各宜精進。無得狐疑。無得中悔。自爲過咎。以至生於彼刹邊地。雖七寶城中。經五百歲。受其困謫。經文如此。以彌勒之行菩薩道。佛猶諄諄詔之。况於凡夫。不依佛勅。妄疑淨土。欲脫苦輪。其能得乎。

又超日月光如來之教。大勢至菩薩修念佛三昧也。但依憶念。卽得證生。憶之爲言。卽觀想之謂也。故云。譬如有人。一專爲憶。一人專忘。如是二人。若逢不逢。或見非見。二人相憶。二憶念深。如是乃

至從生至生。同於形影。不相乖異。十方如來憐念衆生。如母憶子。若子逃逝。雖憶何爲。子若憶母。如母憶時。母子歷生。不相違遠。若衆生心憶佛念佛。現前當來。必定見佛。去佛不遠。不假方便。自得心開。如染香人。身有香氣。此則名曰香光莊嚴。此經所言。憶佛念佛。爲因地心。漸漸純熟。入無生忍之法門也。所云若衆生心憶念佛。現前當來。必定見佛。去佛不遠者。卽謂凡夫求生。但能發心如教修持。憶佛相好。念佛名號。以此功德。從現前修習。盡於未來。必定得生。乃至見佛。雖今未純然。從此精進。去佛終不遠也。所云不假方便。自得心開。謂此淨土法門。卽是善巧方便。方便雖多。而此

淨土方便。融擾一切方便。修淨土人。壹志專修。雖不假諸方便。亦自得心開。入無生忍。蓋染香不去。身則常香。鑽木頻仍。必能得火。理事如此。何有憶佛念佛。獨不得見佛證無生者乎。

如前所說。觀相非妄。亦既有明徵矣。就令如天台所云。觀心觀佛。皆屬妄境。然其意在。了妄卽真。不須破妄而顯真也。故荷葉菴主合論中。以四門判釋。一者卽相卽心門。二者卽心卽相門。三者非心非相門。四者離卽離非門。以此四門。判釋觀行。最爲圓滿。論文具在。習淨業者。自可檢尋。今略就初門。約觀經義而申釋之。亦聊以備修觀者之採擇云爾。

觀照之法。爲三般若之要門。何謂三般若。一曰文字。二曰觀照。三曰實相。此三般若。卽是因緣果之三法。以教典文字爲外熏正因。教典文字者。十方三世如來法音之所由以傳也。（別有內熏正因。卽是本覺真如。以此時內熏正因之本覺真如未能十分明露。故必藉文字爲外熏正因。）顯發觀照以爲之緣。觀照者。十方三世如來修行之要軌也。證入實相不生滅果。實相者。十方三世如來所趨之寶所也。諸佛如來說種種法。不外此三者而已。然此三般若。雖有三次第。論其圓理。實則一念全具。特悟入漸頓。機感不同耳。是爲般若總相。一念三觀之概略也。若明此義。卽看觀經等。

一切教典文字時。卽發正觀。卽契實相。雖所入有淺深。所造有遠近。其機感文字觀照有種種之差降。然於證入實相。同歸一源之指趣。在修淨業者。必不可無此真知灼見而遂自己也。故立教所以導觀。導觀在乎證實。證實者。證入心佛不二之妙門也。能知證實之指。則觀行不過一方便法耳。又何奇哉。

觀經云。佛告韋提希。汝是凡夫。心想羸劣。未得天眼。不能遠觀。諸佛如來。有異方便。令汝得見。經所謂有異方便。卽是十六觀門。而異之一字。略說有其二義。一者殊特超妙故。二者有種種法不一故。由此方便殊特超妙故。令未得天眼衆生得觀淨土。由此方便

有種種法不一故。令各種差別衆生。皆可隨機得度。是故如來於顯密諸經。皆讚揚淨土。開陳往生種種法門。或禮拜供養回向。或觀想回向。或修福回向。或持戒回向。或發道心回向。或懺罪回向。或十念回向。於此諸法門中。又各示有種種行法。又此種種行法。隨於一行法中。皆攝諸法。但有淺深。並無違背。如是諸經所陳各種行法。皆是圓融無礙法門。又豈獨十六觀經中諸法爲圓融無礙之法哉。故曰淨土法門者。諸行一如之法門也。

今就觀經言之。經中凡十六觀。大分三種法門。一曰次第觀。二曰雜觀。三曰回向觀。

初次第觀有十二事。分爲八行。此八行中。日冰地三想爲一行。寶樹想八功德水想總觀想爲一行。華座想爲一行。蠱觀三像想爲一行。具足觀無量壽佛想爲一行。具足觀觀世音菩薩想爲一行。具足觀大勢至菩薩想爲一行。普觀想爲一行。是爲八行十二事次第觀也。

此八行十二事次第觀。若欲成就。要須經文精熟。工夫專懇。方能爲力。是爲專修門。或有年期已迫。八行不及全成。但能成就第一行。乃至或成就第七行。均得往生。經有明文。可爲誠證。但功有淺深。故生亦不無高下之別耳。

第二雜觀門。有四法。一但觀池上丈六身法。二觀徧虛空大身法。三觀小身法。或丈六尺。或八尺。四但觀觀世音大勢至二菩薩法。此四觀者。是爲調伏雜心觀法。但能至心懇切。如教修持。亦得生也。

第三回向觀門。分爲九法。各各不同。惟回向爲所共法。等不可少。一上上品。行具足回向。二上中品。解具足回向。三上下品。信具足回向。四中上品。尸羅回向。五中中品。少分尸羅回向。六中下品。臨時善行回向。七八九下下中下下三品。皆臨時懺罪歸佛回向。此九品者。生有高下。皆以入法淺深而爲差別。與次第觀門雜觀。

門。迥然另一途徑。然途徑雖殊。歸趣無二。故此九品法。與前諸法。並是隨機接引。不可妄生分別。深入一門。皆得成就。蓋感應道交。法性本具。理固然也。

卽如白毫相觀。本具足觀無量壽佛法中之一方便法。此具足觀佛法。若析言之。凡有十句。一觀佛身金色。二觀佛身若干由旬。三觀眉間白毫相。四觀佛眼。五觀毛孔分明。六觀圓光。七觀化佛菩薩。八觀相。九觀好。十觀光明徧照念佛衆生。而結之曰。其光相好。及與化佛。不可具說。但當憶想。令心眼見。按經文云。此者。恐人執獸相以求佛耳。何謂獸相。謂此經文所陳十句觀法。如善畫人所

畫佛像。如是如是。若剋定畫相。謂卽真相。則爲楞嚴所呵。執指爲月之流耳。然又不可謂此非觀佛。故經文諄諄言之曰。作是觀者。名爲正觀。若他觀者。名爲邪觀。所以示行者以真歸也。

是故於一觀方便中。有假名觀。有卽空觀。有中道觀。總此三觀。具於一念。乃與心佛不二實相相契。何以知其然也。卽此觀門下文云。見此事者。卽見十方一切諸佛。以見諸佛故。名念佛三昧。作是觀者。名觀一切佛身。〔祕密宗一佛一切佛義。與此正通〕。以觀佛身故。亦見佛心。佛心者。大慈悲是。以無緣慈。攝諸衆生。〔祕密宗觀佛法身義言之尤詳。若行者反已自觀。卽是實相觀也。〕作

此觀者。捨身他世。生諸佛前。得無生忍。〔此無生忍。卽是自證生無生門。祕密宗本不生義也。〕是故智者。應當繫心諦觀無量壽佛。〔已上皆示行者從觀佛身以見佛心。由見佛心。自證實相。是故觀身實相。觀佛亦然。觀佛身相。觀身亦然也。〕經文如此。蓋繫心諦觀。爲證實故。卽假名觀也。知假名觀。是異方便故。卽卽空觀也。由異方便觀于佛身。亦見佛心。自證實相。卽假與空。皆不可得。是中道觀也。故衆生於此土求往生。及往生之後。還復證入無生法忍。乃爲究竟。知往生卽是無生。卽知觀想亦是觀想無觀想也。故般舟三昧經中。旣云我所念卽見心作佛。心自見。心是佛心。

佛心是我身矣。又云。心見佛。心不自知心。心不自知心。心有想爲癡。心無想爲涅槃。無想者本體也。

故修觀者。當先達此正觀本體。然後作觀。應知自有一番勝妙。不然。觀境不相應。是爲邪觀。經言之矣。觀何有邪。以妄念病之。假曰邪耳。由有妄念故。心地不清不淨。由心地不清不淨故。觀境不相應。故經于次第觀門第一觀之首。卽云。佛告韋提希。汝及衆生。應當專心繫念一處。想於西方。按專心云者。非撥境取心之謂也。謂明了本性清淨。達妄本空。從此行住坐臥。四威儀中。色聲香味諸塵影中。無不頓見性淨。妄空。本來真體。是心作佛。是心是佛。自心

默識。唯此一事實。餘二卽非真。如此心心念念。專繫一緣。精持密證。名專心矣。

故經於法會之初。示修淨業者。當修三福。三福之中。旣謂發菩提心。深信因果。讀誦大乘。勸進行者。於發菩提心。尤非草草。蓋三世諸佛淨業正因。皆由此也。夫非明了菩提本性清淨。達妄本空。則心必不能專。心旣不專。則雜妄綺織。失其清淨。失清淨故。攀緣羸濁。雖修觀行。心境兩違。是爲邪觀。此卽修雜觀門。尙不易就。何況專修門具足觀乎。又經中於諸相顯示處。多有靈活語句。如云不可具說。或云自然化成。或云處處變化。或云隨意變現。此皆示人

以不可思議之本具妙用。若徒泥語言。不會真歸。於此等處。殊難索摸。故修觀行人。最要者。以觀心佛不二爲上。而觀佛心次之。觀佛身又次之。（觀經本意如此。）觀一佛一切佛爲上。而一佛次之。（本觀中諸所化佛。卽是真佛。尤宜深言。）若依祕密宗所說。卽身成佛義言之。則徹究心源。承加持力。卽此生身。可成真佛。佛之與我。都無二別。（觀經中本有此義。以向來行人專依顯教尋究。故未發明耳。）果能究明斯旨。觀佛觀心。無所不可。斯則隨修一法。觀想卽成。八萬相好。應念而現。諸佛現前。而爲授記。又豈得以一法門而品量之也哉。雖然。三般若。三觀照。離此諸門。終難言。

下手處矣。

前就顯教中略明淨土諸義。茲更就密教中義約略言之。蓋密之與顯。本無二體。佛爲衆生緣業各異。隨機立教。因應多方。對於顯機而說顯門。對於密機而說密教。故密者卽顯之密。非壞於顯而成其密。顯者卽密之顯。非壞於密以成其顯。設施不同。本原非別。又顯密之云者。本相待而起。爲待於顯而立密稱。亦對於密而有顯號。卽此顯密兩字。已是施設之假名。雖其間不無淺深廣略麤細煩簡身上義相種種之各殊。要其歸極。皆在於諸法緣生而本不生。雖得涅槃法身而亦本無所得。卽此是顯密性空。當體無妄。

徧界卽眞。眞卽菩提。是爲入道正因。由是長養大慈大悲。是爲毓道根本。發起萬法方便。自度度他。是爲成道究竟。此爲密宗之三大關要。亦是顯教之不二常途也。

密部所演兩界五部四曼四眼四智一百二十護摩及四法身密嚴淨土。與無量諸法門等。事義繁多。不可具述。於中提振往生阿彌陀佛極樂淨土法門。隨宜宣說。見諸明文者。亦不下數十種。於此足見淨土一門。決非但是凡夫淺行。從古諸師稱念佛爲大丈夫行業。洵不虛也。

密教亦名瑜伽教。密者身語意三密。瑜伽此云相應。口唱眞言。手

結印契。意住三摩地。種種觀想。深入實相。諦了緣生無生一相。諸相之理。三業同如。故謂之三密。謂之相應也。又以我之三密相應。入佛三密。以佛之三密相應。入我三密。於此證入心佛衆生三無差別。自他不二勝境。自利利他。饒衆方便。是爲密教。諸法門之通相也。念佛法門亦是如此。以清淨三業而念佛故。根識無妄。自他互融。見相如如。淨土勝妙。卽時顯現。顯教經中謂之淨業。亦云淨行。雖未明言三密。而三密之意。固已散見於諸經矣。

唐代已前。密教未立專宗。密部諸經。皆隸方等。亦以方等經中三昧陀羅尼觀想梵書契印等法。往往而有。但不若大日金剛頂蘇

悉地等經。及其眷屬經論諸部。所談理事儀軌。不深詳耳。然密宗壇法。及各種修持事相之次第。非經阿闍黎佛前散華。得有瑞應。親口傳授儀軌。不得如教行道。否者卽爲盜法。惟淨宗念佛法門。特開方便。直捷簡易。諸根普及。在顯而顯。在密而密。故求往生者。有種種法。或備三密相。或專依顯門。或入曼荼羅修持。或不得入。亦可隨意結壇行道。或得有阿闍黎傳授。或未承親授。聞名依持。皆可淨念相應。隨願往生。傳記昭垂。有明證也。

蓋極樂世界第一本尊阿彌陀佛。卽密部五大佛之一。是爲毗盧遮那如來之同體妙智。又極樂世界第二本尊觀世音菩薩。卽密

部四大菩薩之一。又爲三大部主之一。亦卽毗盧遮那如來之同體大悲。以二聖同爲密部總持王。故行者果淨念歸依。更能心契一切本不可得諸法實相。當下卽證入法身曼荼羅。便與入壇行道次第功德等無有異。故部中開闡無量法門。尤多導揚淨土。於諸淨土之中。又以極樂淨土之指歸爲尤切也。

第導歸極樂。顯密同示徑途。而密教趣入之方。則尤重乎心存梵字。口誦真言。身持契印。又釋義尤詳。足資行人慧鑑。若依古師所釋淨土密義條理繁多。今略出之。以當明智先導云爾。

一 孔阿_引陀_不佛四字。密教之中示有多義。不字爲公共名。

詞。其義尤廣。若略義。卽三覺圓滿之意。若孔阿𠄎彌𠄎陀三字。略徵亦有數義。

第一孔字者。謂卽一清淨自心。現前萬法本不生義。第二𠄎字者。卽一切諸法無我大我義。第三𠄎字者。卽一心萬法如如寂靜義也。

又孔字者。理智不二義。𠄎字者。生法二空義。𠄎字者。堅固不壞義也。

又孔字者。卽佛部根本義。𠄎字者。卽蓮華部根本義。𠄎字者。卽金剛部根本義也。

又孔字者。虛妄本空義。ㄨ字者。諸法假有義。丿字者。空有平等。離于二邊。無依無得。中道實性義也。

又孔字者。自心體相本不生。無滅無盡。如實本有義。ㄨ字者。諸法相空。彼無自性。如實空義。丿字者。具足無量。自性功德。如實不空義也。

又孔字者。因義。佛及衆生迷覺之因故。ㄨ字者。行義。滅人法二我。證入二空。趣佛乘義。丿字者。果義。契堅固解脫。理事圓融。卽證如。加佛果義也。

又孔字者。稍廣釋之。有一百義。孔字一百義。文繁故略。當另篇。

出之。)(引之義。亦不止此。子則三德萬善。義益無盡。是爲四字
洪名之略釋也。

若顯教經中。亦有數釋。如釋阿爲無。彌陀云量。蓋是合釋大意。就
中分析言之。亦有多種。所謂無量法身。無量報身。無量應身。無量
名號。無量壽命。無量清淨。無量光明。無量世界。無量眷屬。無量方
便。無量化佛。無量化禽。宣演法旨。無量樂音。寶網莊嚴。無量神通。
無量妙智。無量福德。無量安樂。無量自在。無量大慈。無量大悲。無
量勝緣。無量大願。乃至無量種種不可思議神變法力。攝受無量
一切衆生。是爲顯教諸經所明阿彌陀之義也。

如是顯密各說阿彌陀佛。有如是繁多之義。故此四字名號。但得見聞者。已有種種不可稱量功德。况更能誦持。乃至能解能行能證者乎。

又密部所說讚勸往生諸經。有在娑婆說者。有在極樂說者。其阿彌陀佛諸部契印真言。光爲祕要。於諸契印真言中。又有尤要者三。一曰大根本真言。一曰心真言。一曰心印梵書。是也。心印梵書者。亦稱阿彌陀佛心印。其文曰。

唵唵哩二合

經稱觀此阿彌陀佛心印者。卽爲觀自本身淨菩提心。淨菩提心。

者皎潔圓明。猶如滿月。（別有經明此義。）觀滿月相。復作是思惟。菩提心體。離一切物。離五蘊。離十八界。離十二處。離能取所取法。無我故。一相平等。心本不生。自性空故。卽於圓滿清淨月輪上。想此。我字。從我字流出無量光明。一一光道。觀成極樂世界。聖衆無量。而爲圍遶。阿彌陀佛種種莊嚴。如觀無量壽佛經所說。（按世有不信淨土者。疑觀經條理大繁。爲非佛說。不知密部經中。早有誠文。證明觀經之爲佛說。真實不虛。願有智者勿疑大法也。）是爲觀我字自他不二佛菩提心相也。觀此心相。了自心本不生。得堅固解脫。證法智平等。卽證法身也。

阿彌陀佛心真言者。其文曰。

多。孔。阿。彌。唎。二。合。不。濟。又。帝。孔。故。在。賀。工。囉。末。吽。

此阿彌陀佛心真言九文。各有淺略深祕二義。文繁不具。經云。此是十方三世如來究竟理智十二空願根本。若欲利樂三界。饒益人天。書寫受持讀誦者。增長福樂智慧辨才壽命色力。消險障病。增長慈悲。無不具善。度三世無生。變三世火宅。誦滿十萬遍。卽身得見阿彌陀佛如來。時至決生極樂世界也。

阿彌陀佛大根本真言者。蓋往生淨土真言之廣本也。其文云。

不。曩。引。謨。叉。阿。囉。二。合。不。怛。曩。二。合。不。怛。囉。二。合。不。夜。不。耶。不。娜。

改謨孔阿司利耶。二合孔阿司弭不路不婆孔耶。不怛可他凡孽
 不路孔夜。孔阿香囉曷。二合不帝。孔三迦藐瓦三不沒多馱孔耶。
 不怛司你也。二合水他。多唵。孔阿司蜜利。二合不帝。孔阿司蜜栗
 不。二合妬孔納婆。二合不吠。孔阿司蜜栗。二合不。禮三不婆不
 吠。孔阿司蜜栗。二合不。多凡藥不陸。孔阿司蜜栗。二合不。多。孔悉
 不第。孔阿司蜜栗。二合不。多。不帝不際。孔阿司蜜栗不。多。不尾孔
 訖嬾。二合不。帝。孔阿司蜜栗。二合不。多。除尾不訖嬾不。多。凡。誡不
 弭不甯。孔阿彌蜜栗。二合不。多。不。誡不。曩。你吉不底不迦不
 嚙。孔阿司蜜栗。二合不。多。凡嫩不努不批。不莎囉。二合不。嚙。孔薩

云囉不囉他。二合不娑。Q 馱尸甯。不薩不囉不羯尼磨。不訖禮。二合。Q 捨。不訖灑。二合。武孕迦囉。不囉。不娑囉。二合。不賀。

是爲阿彌陀佛大根本真言也。經云。此無量壽如來根本陀羅尼。能滅十惡四重五無間罪。一切業障。悉皆消滅。誦滿一萬遍。獲得不廢忘菩提心。三摩地菩提心。常顯現身中。皎潔圓明。猶如淨月。臨命終時。得見無量壽佛。與無量俱胝菩薩衆。圍遶來迎。安慰行者。卽得往生極樂世界。上品上生。證菩薩位。真言神力如是。廣如教中具明。

已上心印真言等。最爲簡要。隨人隨時。皆可行之。但專心口誦。合

掌正坐。或趺坐。皆得。以合掌正坐。及趺坐等。卽是通行之身印法也。又念佛法門。不曰無量壽覺。必念阿彌陀佛者。以梵文梵音其義深祕。依梵音持誦。乃成口密。與身意二密相應。與佛菩薩八部鬼神異類通達故也。又念佛法門。是蓮華部法。古師云。口密加持。蓮華部佛現。蓮華部佛主者。卽是阿彌陀如來。及觀世音諸菩薩等也。故口密加持。在蓮華部中。尤具效力。以口密卽通身意二密。從口密行。卽身意二密。悉同相應。如是乃得謂之口密。非謂蓮華部專用口業。而身意都不用也。

是以祕密部中。勤修淨土功夫。最重瑜伽念法。而亦不廢受持讀

誦諸種行門。如常勤禮供。勤讀大乘般若方等密嚴理趣。誦大小
無量壽及觀無量壽經等。修習慈悲喜捨。乃至六度萬行。觀中道
實相淨菩提心。回向西方。不貪世樂。此皆經有明證。並非取一廢
餘。是故念佛之人。最要深信佛語。廣讀大經。勿墮執此非彼之談。
佛諸部中。千味萬味。領其指趣。無不彼此圓融。隨舉一門。諸法全
攝。淨土法門。尤爲此土。當機而利行者耳。六通四闢。無所不達。諸
有智者。復何疑哉。

2

271305



佛 學 小 叢 書

貫 通 諸 法 大 義

如 欲 印 送 歡 迎 代 辦

中 華 民 國 二 十 年 十 月 初 版

◎ 每 冊 定 價 大 洋 四 分

著 述 者 黎 端 甫 居 士

印 刷 者 國 光 印 書 局

上 海 新 大 沽 路 六 七 一 號

發 行 者 上 海 佛 學 書 局

總 店 開 北 新 民 路 國 慶 路 口

分 店 北 車 站 東 首 寶 山 路 口

分 銷 處 各 埠 佛 經 流 通 處

2

271305

2

271305